

Nos di partido RED Democrático a tuma nota di e carta cu SBG a manda di 24 di Aug 2017 tocante e problemático di geluidsoverlast. Nos a tuma nos tempo pa acumula informacion, entre o.tro di internet/casonan local y nos a analisa esaki. Kinan nos punto di bista:

E problemático di geluidsoverlast ta hopi complex y ta encera hopi aspecto. Pa alivia e problema riba termino cortico nos ta propone pa bin cu un sistema modular. Nos no mester di soluciona henter e problemático di geluidsoverlast den un tiro. Nos por ataca y soluciona e problema un pa un. Punto ta, un problema structural di geluidsoverlast a wordo detecta den nos comunidad y nos tin cu actua liher.

Nos lo analisa (locual SBG a haci tambe) ken y kiko e causanan ta di geluidsoverlast y bin cu un verordening pa alivia e situacion rapido. Nos por actua rapido pasobra nos ta consiente cu e tema di geluidsoverlast ta uno mundial y hopi pais a bin caba cu reglanan y leyman. E wiel a wordo inventa caba. Nos lo tuma e partinan cu ta aplicabel pa Aruba y hinca nan den un Verordening. Y si mester mas cu un verordening nos lo cana e caminda ei, locual nos ta jama un sistema modular.

Un aspecto cu ta resalta ta cu paisnan manera Merca y Canada ta focus mas riba e aspecto di "plainly Audible" pa determina e geluidsoverlast mientras cu na Europa nan ta focus mas riba midimento di decibel y richtlijnen pa e decibel. Nos di RED Democrático ta favorece e sistema di Merca y Canada pasobra e ta mas facil pa aplica y e ta empower nos cuerpo di polis. Cuerpo di polis lo por actua a base di "plainly Audible". Dor di esei e ta proteha e ciudadano mihor. Pa e sistema di Europa por funciona mester trece polis, professional y aparato/meter special hunto pa midi y despues por actua.

Si tin 500, 1000 of 3000 mil bende na Aruba cu ta sufrí di geluidsoverlast no ta haci diferencia. Geluidsoverlast ta trece stress, problema di salud, reduction di productividad y na final e ta pone un peso riba AZV. Facilmente nos por kita e peso inecesario ei. Y nos lo haci esei tambe.

En corto:

- Nos lo bin cu verordeing pa proteha nos cuminidad contra geluidsoverlast
- Nos lo bin cu un sistema modular pa alivia e problema mas liher cu ta posibel.
- Nos lo bin cu e aspecto "Plainly Audible" manera Merca, Canada y mas pais pa empower nos cuerpo di polis.

Saludos

RED Democrático